

### Azkoitian, 1996ko abenduaren 20an

*Jose Inazio Aranaren mendeurrenaren ospakizun-batzar irekia*

J. Haritschelhar  
E. Knörr  
P. Goenaga  
J. A. Arana  
P. Altuna  
P. Charriton  
X. Kintana  
F. Krutwig  
J. M. Lekuona  
B. Oihartzabal  
J. San Martin  
eta L. Villasante  
euskaltzainak  
eta X. Aranburu  
J. L. Lizundia  
eta J. J. Zearreta  
euskaltzain urgazleak

Azkoitian, Udaletxeko batzar aretoan, 1996ko abenduaren 20an, arratsaldeko 6etan, eman zaio hasiera Euskaltzaindiak A. Jose Inazio Aranaren heriotzaren mendeurrena ospatzeko antolatu duen batzarri.

Mahaian Euskaltzainburuaz gainera, Azkoitiko alkate den Nerea Zubizarreta andrea eta Juan Bautista Mendizabal kultura zinegotzia eseri dira. Baita hitzaldiak eman behar dituzten Arana eta Altuna euskaltzainak ere.

Lehendabizi, herriko alkate andreak ongi etorria egin dio Euskaltzaindiari. Ekitaldia Azkoitiko herriak ohore handizat duela esan du eta hurrengoan ere Euskaltzaindiak ateak zabalik izango dituela herri honetan.

Ondoren, euskaltzainburuak bildurikoak agurtu ditu, herri ordezkariak eta azkoitiar idazlea omentzeko bildutako gainerako entzule guziak.

Agur hauen ondoren, J. A. Aranak hartu du hitza *Jose Inazio Arana bibliografoa* izeneko txostena irakurtzeko. Hitzaldian garbi azaldu da Aranaren bibliografo alderdi hau.

Ondoren, P. Altuna, Jose Inazio Aranaren bizitzaz eta lanaz mintzatu da. Batez ere, haren egunkaritik jasotako zenbait berri eman ditu Altunak, haren bizitzaren argi-ilunak erakutsiz. Eta ez bakarrik haren bizitzari dagozkionak, baita haren garaiko zenbait eskalarirekin izandako harremanak ere.

Azkenik, alkate andreak, hasierako asmo on berberaz agurtu ditu bilduak eta ho-rra, zazpi eta erdiak inguruan bilera amaitutzat eman da.

Jean Haritschelhar,  
euskaltzainburua

Patxi Goenaga,  
idazkaria